



**Loca Infesta,|| Hoc est:|| De Infestis,|| Ob Molestantes||  
Daemoniorvm Et Defvncto-||rvm Hominvm Spiritvs,  
Locis,|| Liber Vnvs.||**

**Thyraeus, Petrus**

**Coloniae Agrippinae, 1598**

**VD16 T 1247**

Cap. LXXI. An sit aliqua ratio, quæ viuente poßunt iuuare, vt liberentur à  
molestia, quam interdum afferunt purga[n]di Spiritus?

---

[urn:nbn:de:hbz:466:1-61332](https://nbn-resolving.de/urn:nbn:de:hbz:466:1-61332)

mandrita qui rogatus à Theodoro regio duce, ut domum à molestiis spiritibus liberaret; illam dicitur ingressus, & totam noctem psallendo, & Deum obsecrando traduxisse: atque aqua, cui benedixerat aspersisse: at sic à Spirituum molestia liberasse. Vide Metaphrastem in vita Theodori, apud Surium, Tom. 2.

MODI QVIBVS LICITVM EST CONTRA  
impugnationes & molestias Spirituum pur-  
gandorum agere.

### CAP. LXXI.

*Esse aliquam rationem atque modum, quo viuentes possint se liberare à molestia, quam ipsis purgandi Spiritus afferunt.*

- 1. **X**positis rationibus, quibus à Dæmonum infestatione loca liberantur; proximum est, vt modos explicemus, quibus ne molesti sint hominum purgandi Spiritus, efficitur. Et breuissimè dici potest *vnum esse*: & quidem eundem cum illo, quo à molestia liberamur mendicorum, atq; pauperum, qui stipem atque eleemosynam importuniū petunt. Quis ille? *Satisfaciat spiritum desiderio*. *Quod verū desiderium?* Nostra. vt opera iuuentur à miseria. *Qua opera?* Quæ misericordiam spiret; non quæ pietatis habeat atq; benevolentiae nihil.
- 2. Breuibus hic multa complector; & quia multa breuibus, explicanda, & comprobanda. Omnia verò vel ad conditionem pertinent Spirituum, qui molesti sunt: vel ad nostrum officium: vel ad opera, quibus ipsorum inopiae subuenimus.
- 3. *Conditio Spirituum illorum insinuatur esse misera;* quæ aliorum auxilio indigeat, & possit subleuari. *Officij nostri ratio;* vt ipsis subueniamus, opera, media sunt; quibus subleuantur. Primum hoc Cpaite: persequemur, reliqua sequentibus.
- 4. Et quidem esse quosdam Spiritus, qui hoc solum nomine molesti sunt, vt in miseriis, quas sustinent, aliquod leuamen, accipiant, extra controuersiam est; nec hoc loco probandum. quod verò aliorum opera iuvari possint, quis dubitabit?
- 5. Si iuvari non possunt; cur, vt iuuentur, molesti sunt? An forte temeritatis arguenda atque imprudentiae? quasi, qui tentent, quod, consequi est impossibile? At procul à purgandis Spiritibus omnis temeritas: procul imprudentia. Et vt temerè possint agere ipsi; et tam

men temere quicquam agant, Deus non permittit, cuius prouidentia fit, quod ad nos redeant; nostris rebus interfint; nos molestare possint.

Si subsidium ipsis nullum potest affiri; ex ipsorum ne hoc est conditione, quæ postulet, ut errent solum, & viuentibus molestari sint? an ex viuentium inpotentia, quibus facultas, ut subsidium praestare valeant, negata est? Prius illorum conditio non postulat: sed potius ut certis, definitisque locis, quas meruerunt, penas luant, idque in assumptionibus corporibus, quibus ille nequaquam debentur; sed in se ipsis, quæ causa peccatorum fuerunt. Si vero facultas illa viuentibus diuinitus concessa est, ut ab immundouim spirituum molestia se vindicare valeant; negata erit, quæ se ab humanorum spirituum molestia liberent?

Vnum quoddam corpus est Ecclesia, cuius caput est Christus. Vnus igitur erit, & membrorum inter se, & cum suo capite Christo. quoniam, ut pulchre Apostolus loquitur 1. Corinth. 12. pro inuicem felicitate sunt membra, & si quid vnum membrum patitur, compatuntur omnia. At defuncti iusti, qui nobis molesti sunt, huius corporis membra quedam sunt, atque nexibus fidei, Spei atque charitatis nobiscum colligati: (neque enim inquit B. Augustinus lib. 20. de ciuitate Dei: cap. 9. priorum animæ defunctorum ab Ecclesia, que regnum est Christi, separantur) possumus igitur ipsis compati: possumus auxiliari: possumus miseriam ipsis subleuare.

Sanctus Ephem Syrus, cum iam moritus esset, & viuentium pro se postularet suffragia, pulchre ostendit defunctos viuentium suffragiis iuuari, dupli similitudine. Videbis, inquit, exemplum ex particula: ibus Dei creaturis: veluti in foetu virtus. Una acerba in agro, & vinum quod in dolys positum est. quando igitur ace nus in vite viget, tunc de sti in suo mouebitur, quod est immobile in domo. Vinum (subiungit) mei simile intelligitur. Capa etiam; quæ posita est in agro, cum tempore suo virescere inciperit; arida quæ in domo est germinat. Si igitur rerum foetus sic inter se consentiunt, quanto magis mortui in memorys vestiarum oblationum oblectantur?

Cum mortui possint prodesse mortuis, ut suo exemplo docent Eliæ atq; Abraham; quorum hic Lazarum in sinu suo exceptit; Lucas 16. ille mortuum excitauit; 4. Reg. 13. Cum viui viuis, quemadmodum apostolus insinuat, dum vult alterum alterius onera portare, Gal. 6. Cum mortui viuis, ut defuncti Onias atque Hieremias probant, dum pro Israelitarum orante populo, 2. Mach. 15. quidni viuis poterunt prodesse mortuis?

Ii. 3.

Adl.

6.

7.

8.

9.

**10.** Ad Ephes. 5. cap. vult nos Apostolus ambulare in dilectione, sicut Christus dilexit nos, qui tradidit semetipsum pro nobis. At Christus multis modis dilectionem suam demonstrauit. Viuens in terra profuit viuentibus. Nam praeterquam quod corporis sanitatem pluribus restituit, etiam a peccatis absoluit Magdalenam, Lucæ 7. Paralyticum, Matth. 9. Zachæum, Lucæ 19. Petram, Lucæ 22. Latronem, Lucæ 23. Idem mortuus profuit mortuis; descendens suo ad inferos, quo plurimos soluit ab inferni doloribus, Actu. 2. ut illos præteream, quos ad vitam reuocauit, & quorum aperuit sepulchra, Matth. ultimo. Idem mortuus profuit viuis, morte siquidem vitam nobis promeruit sempiternam: & iam noster pro nobis apud cælestem Patrem in cælis non definit esse aduocatus atque patronus. Denique & viuens profuit mortuis: quando nunc puellam in domo, Matth. 9. nunc adolescentem in via, Lucæ 7. nunc Lazarum in sepulchro ad vitam reuocauit. Et nos igitur viui, ad Christi exemplum, quod Apostolus postulat, non tantum viuis, sed & mortuis, possumus, si non debemus, dilectionis argumenta exhibere, atq; ipsorum necessitatibus, quas patiuntur, subuenire.

**11.** Amici nostri sunt dicti Spiritus. Nihil mali cupiunt viuentibus: quin potius cupiunt bona omnia. Tantum igitur abest, ut frustra molesti esse velint, ut potius de molestiis nobis inferendis nihil cogitarent, nisi spes subsidij certa ipsis esset proposita.

**12.** Pluribus ad hanc rem confirmandam opus non est. ipsa, quæ hic suppetunt exempla magnam similitem faciunt; exempla, inquam, illorum, qui ad viuos redierunt, sua desideria verbis atque rebus aperuerunt, & se viuentium opera adiutos suis, magna gratianiæ significatione, testati sunt. Gregorius Magnus, urbis & orbis sanctissimus Pontifex, refert (4. Dialog. cap. 40.) animam Paschafij, quæ in Thermis Puteolanis apparuit S. Germano; ipsis Germani precibus esse liberatam. Alter Gregorius Turonensis, lib. de Gloria Confessorum, cap. 5. docet, sanctam quandam Virginem, nomine Vitalianam, iam defunctam, significasse S. Martino, se ob leue quoddam peccatum purgatorio igne expiari, a quo eiusdem precibus sit erepta. De S. Seuerino testatur Petrus Damianus, in Epist. ad Desiderium, quod post mortem cuidam presbytero, eiusdem cum Seuerino Ecclesiæ, apparuerit; significari que se ob horas Canonicas non suis temporibus recitatas, sustinuisse penas purgatorias, & tandem beatorum collegio associatum. In vita S. Malachie scribit Sanctissimus Bernardus sororem precibus sancti, a penis purgatoriis liberatam, a quibus, ut eius precibus inter-

interuenientibus liberaretur, aliquoties ante, per visum admone-  
ri Sanctus vir videbatur. De Bernardo vero scribit VVilhelmus  
Abbas, cap. 10. lib. de vita Bernardi, eiusdem precibus adiutum  
quendam, & societate sanctorum in cœlo adiunctum, qui iam an-  
num integrum pœnas easdem purgatorias sustinuerat. Et Arnul-  
phus presbyter quidam S. Remberto, Archiepiscopo Bremensi  
apparuit; seque ieunio quadraginta dierum, quod ille pro ipso,  
atque ab ipso rogatus, persolverat, pœnis se solutum. & felicitate  
Sanctorum donatum restatus est. Surius Tomo I. Sanctorum. O-  
mitto alios plures, quorum mentio fit capitibus 75. 76. 78. &c.

## C A P . L X X I I .

*Multis, magnisque de causis conuenire, ut purgan-  
dis Spiritibus viui succurrant, quando excita-  
tis molestiis ipsorum auxilia postulant.*

 Onditionem purgandorum Spirituum exposuimus, 1.  
quidque molestia sua querant: nunc quamuis libertas à  
molestiis, quam expetimus, nos per se vrgere possit, vt  
iis subueniamus, & libertate fruamur; non tamen sola illa mouere  
debet plurimæ causæ sunt, & grauissimæ; quæ, vt his Spiritibus,  
quibuscunque possumus modis, subueniamus, nos impellunt.

Etaliæ quidem ab ipsis Spiritibus sumuntur: aliæ ex nostra  
viuentium persona: aliæ ex malis, quæ Spiritus illi patiuntur: aliæ  
ex divina prouidētia: aliæ ab exemplo Maiorū: aliæ ex ratione ho-  
nestatis: aliæ ex fructibus, qui cū hoc pietatis studio sunt cōiuncti.

Spiritu illa conditio est, vt omnino misericordia digni sint, &  
omnibus modis opera nostra debeant iuuari. Neque enim aut Dei,  
aut illorum viuentium sunt hostes: quinimò Deum diligunt su-  
per omnia nihilq; eius honore prius habent: hominum vero & di-  
ligunt, & expetunt, &, quibus modis possunt, promouent salutem  
atque incolumitatem. Qui igitur digni sunt beueficio; indigne il-  
lo priuabuntur.

Summa eorum est necessitas. Nam & grauissimè pleuntur, & de-  
creta pœnas, nisi aliunde subleuentur, vsque ad nouissimum qua-  
drantem dependere compelluntur. Vnde & dici solet huiusmodi,  
extrema necessitate premi. Nec male. Pauper est enim, qui parū ha-  
bet Pauperior, qui nihil habet. Adhuc miferior, qui nihil habet,  
nec quæstum ullum, vlla omnino ex re, facere potest. At omnium  
est miserrimus, qui nihil in bonis habet, & nihil quicquā amplius  
lucrari